

# kontuola...

**KONTUOLA, Idolaz elkarte, ANTZUOLA. Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 57. zenbakia. 2000ko apirilaren 28an.

## Eltzikortaren eskubideen alde

### Senideak taldeak aurkeztutako mozioa onartu zuen udalak

**Osoko bilkura berezia egin zuen udalak apirilaren 17an, Senideak taldeak aurkeztutako mozioa eztabaidatzeko. Bozketan lau zinegotzik eta alkateak hartu zuten parte eta aho batez onartu zuten mozioan jasotzen ziren puntu guztiak.**


**E**H, EAJ eta EAren botoekin "Euskal Presoen eta batik bat Jose Luis Erostegearen eskubide osoak bermatuak izan daitezela, orain, Euskal Herriaren hitza eta erabakia errespetatuz" onartu zuten.

Mozioaren bigarren zatian euskal presoen aldarrikapenekin bat egitea eskatzen zen. Horren arabera, zera onartu zuen udalak:

- Euskal preso guztiak kalean izatea, euskal nazio eraikuntzan gizarte osoarekin batera parte hartu ahal izateko eskubidea dutelako.
- Senide eta lagunei jarritako zigorra arintzeko sakabanaketarekin amaitu dezatela eskatzea eta presoak Euskal Herrira ekar ditzatela eskatzea.
- Presoen militantzia politikoak eskatzen duen heineko tratua ematea, preso politikoen estatusa aplikatuz.
- Kartzela edo bestelako arrazoiek eraginda gaixorik dauden presoak kalera-tuak izan daitezela.
- Entrega eta estradizioekin amaitzea eta Euskal Herrian libre bizitzeko eskubidea bermatzea.

#### EKINTZAK

Udalak mozioan eskatzen ziren beste hainbat ekintza burutzeko konpromisoa hartu du. Esate baterako, presoek egindako eskaera horietaz guztietaz gain, Alcalá-Meco kartzelako zuzendariari elka-



*EH, EAJ eta EAren botoekin onartu zen elkartasun mozioa.*

rrizketa eskatzea eta baita akordio hauek Arartekoari, Gasteiz eta Iruñeko Parlamentuei eta Giza Eskubideen defentsan ari diren zenbait organismori jakinaraztea.

#### ALCALARA BIDAIA

Senideak taldearen mozioari atxikitu zaizkion beste sinatzaileekin batera, udalak ere Alcalá Mecoko kartzelara joateko deia egiteko konpromisoa hartu du. Bidaia apirilaren 29an izango da eta

martxa horretan presoen udal komisioa egongo da.

#### HILABETE PASA

Jose Luis Erostege, Eltzikorta, martxoaren 23an hasi zen gose greban (apirilaren 25ean, 34 egun bete zituen jan bari) Alcalá Mecon.

Senideak taldeak, bestalde, sindurak jasotzen segitzen du herriko jende esanguratsuenaren atxikimendua jasotzeko. ■

■ ■ ■  
Apirilaren 29an Alcalá Mecora joango dira  
euskal presoen egoera salatzen  
■ ■ ■



# Trekutzen 50. urteurren

## 1950eko udan ireki zuten herriko plazan Trekutz elkarte

Apirilaren 30ean urrezko ezteiak bete-ko ditu Trekutz Elkarteak. Herriko lehenengo elkarte da Trekutz. Antzuolako gazte talde batek elkarte baten beharra ikusi zuen orduan, eta Trekutz elkarte sortzea erabaki zuten.

**C**ruz Azkarate da lagun talde horretakoa. Berarekin hizketan izan gara orduko kontuak entzuteko. Hasi aurretik, baina, berak idatzitako bertso batzuk irakurri dizkigu. Elkarte nola sortu zen eta beste hainbat kontu esaten dira bertsoetan, bai eta, Trekutzeko txabola konpondu zuteneko kontuak ere.

*Irimo mendi deitzen zioten  
gallurraren barrenean  
bere itzala sarri egiten  
arbola batzuk aurrian  
iturritxo bat ur ederrakin  
ere badauka aurrean  
Trekutz deritzan txabola dago  
oso leku ederrian.*

*Hogeita bost bat urte dirade  
txabola horren inguruan  
kuadrilla batek egun eder bat  
hantxe igaro genduan  
umore onez kontu ta kantu  
bazkariaren orduan  
elkarte bat egin zeikiela  
sartu zitzaigun buruan.*

*la ordurik galdu gaberik  
lasairik hurrengo goizian  
behar ziraden eskabideak  
egiten hasiak zian  
baimena ere eman ziguten  
behar zan leku guztian  
"Trekutz" izenez jarri giñaden  
gure plaza nagusian.*



Argazki honetako beheko ilarako zazpi lagunek osatu zuten Trekutzko lehenengo junta: Ezkerretik hasita: Pepe Bariño, Felix Aseginolaza, Marcelino Garmendia, Faustino Garitano, Antonio Ezkurra (Maistro Antonio), Cruz Azkarate eta Bixente Garitano.

Bertso hauek 1975eko martxoaren 5 eta 6an argitaratu ziren "Basarriren Atalaia"n.

Cruzek ez du oso ondo gogoratzen elkarte ireki zenean urteko zein sasoi zen, baina uda aldera izango zen, "pelota partiduak jokatu ziren. Pepe Bareño sozio zan eta berak jokatu zeban pelotan. Bixente Garitano be ibilli zan"; eta

horrelakoak dirudienez, uda partean izaten ziren.

Trekutz elkarte herriko plazan ireki zen. Kultura eta musika elkarte baitzuten ireki behar izan zuten. Frankoren garaia ziren eta elkarteak sortzea debekaturik zegoen. Hogeita hamar bat lagun elkarte ziren elkarte sortzeko eta erremente-ria egon zen lekuan jarri zuten elkarte.

■ ■ ■

*"Irimo mendi deitzen zioten gallurraren  
barrenean, Trekutz deritzan txabola dago"*

■ ■ ■

**AITZ-GARBI**



**taberna  
jatetxea**

**Pintxoak eta kazuelatxoak.  
Bazkariak eta afariak**

**Kalebarren 15. Tf. 943 78 70 51**



**Jose Gomez  
Abad**

Errekalde 6, 4-B. Antzuola  
943 76 60 19  
943 76 60 43

**LEKU-BERRI  
MERENDEROA**

**Janariak eta edariak**

Tf. 943 76 60 94



# a ospatuko dute domekan

primario gainera txabolan elkartzen zen lagun talde batek

## URREZKO EZTEIAK

Hilaren 30ean, domekan, ospatuko dute Trekutzen berrogeita hamargarren urteurrena. Horretarako hainbat ekitaldi antolatu ditu gaur egungo zuzendaritzak. Goizeko 09:00etan ikurrina ipiniko dute. 10:00etan txafleruen jaurtiketa eta txistularien kalejira. 11:30ean meza nagusia Trekuzko bazkide izan diren hildakoen omenezko meza emango da eta bukatu ondoren luntxa izango dute elkartean bertan.

## BAZKIDE KOPURUA

Gaur egun Trekutz elkarteak 85 erabiltzaile ditu. Hauetatik 60 bazkideak dira eta beste 25 jubilatua. 1.400 PTA ordaintzen du bazkide bakoitzak hilero, hasierako 14 PTatik nahiko urrun gelditu den bazkide-kuota. Bazkide gazteena Mikel Jauregi da eta zaharrena, berriz, Jose Lizarralde. Hau erretiratuaren zerrendan dago, Trekutzen "Gazte izanak" izena hartzen duen zerrendan.



Jose Jauregi, Cruz Azkarate eta Juan Antonio Ugarteburu.

Zuzendaritza orain dela gutxi berritua dute. Lehendakari berria, bi urtez, Jose Antonio Ugarteburu izango da. Bera-rekin batera Eusebio Gabilondo, Jose Lizarralde, Jesus Mari Azkarate, Josu Toledo eta Jesus Jauregi arituko dira.

Jesus Jauregik esan digunez, "Trekutzen eguakitz eta zapatu gabetan aspaldian gazte asko ibiltzen da. Lagun-kuadrillak etortzen dira afaltzera. Beste la astian zihar jente gutxi ibiltzen da. 30 bat gazte sartu die sozidadian". ■

Cruz Azkarate, Trekutz elkarteko sortzaileetako bat:

## "Sozidadia, musico-cultural bezela zabaldu giñuan"

### Non zabaldu zen Trekutz elkartea?

Plazan, gero karamelerua egon zan lekuan.

### Zer egiten zenuten elkartean?

Sozidadia zabaltzeko aktibidade bat bihar izeten zan eta "musico-cultural" bezela zabaldu giñuan.

### Egunero egoten zen zabalik?

Sasoi hartan jentia ibiltzen zan, ambiente politta egoten zan. Sukalde txiki bat pe ipiñi zan gero obria egin arte. Azkenengo obria oin hogeta zazpi bat urte baiño gehixago die egin zala.

### Danak gizezkoak ziren?

Hor be aldaketak egon die. Egon zan behin erabakixa emakumeik ez sartzekua eta ohituria zeukanak andriakin juteko ez

emakume eta ez gizon etzan juten. Baiña hori ezta beti hola izan. Gaur egun bi emakume dare sozio.

### Junta nola aukeratzen zen?

Urte morduan zeguanak hartzen zeban, ni neu urte morduan egon naiz presidente eta horregaittik egun baten esan giñuan, "danok pasau bihar gaittuk. Hartu izenen relaziñua eta handik 10 aukeratu eta eren artian pentsau deixela zein izango dan idazkari, zein diruzain, e.a".

### Zenbat balio zuen ardoak, orduan?

Hiru txakur haundi izeten zan kalia txikitua. Sozidadian etzeguan txikitorik, baiña kalkuluak eginda arda txikitua, gutxi gorabehera, 15 zentimotan irtetzen zeban.

Igor eta Txomin



Margoak orokorrean

ANTZUOLA BERGARA  
609 157 131 609 150 164



Kalebarren 7, ANTZUOLA Tf. 943 78 71 12

Euskal  
sukaldaritza

Eguneko  
menua

**GOROSTI**  
**Taberna**

☎ 943 76 62 96  
Zurrategi plaza ANTZUOLA



# Ibilgailuen aurtengo zerga

**Dagoeneko hasi da** udala trakzio mekanikoko ibilgailuen zerga kobratzen, hau da, auto, kamioi, motor, erremolke, autobus eta traktoreen urteroko udal zerga. Ekainaren 15era arte ordaindu ahal izango da eta helbideratu barik duenak, udaletxera jo beharko du ordaintzera. Kamioiei dagokionez, atzean erremolkeak dutenek, udal zerga berezia ordaindu beharko dute. Hau da, kamioiari dagokiona eta erremolkeari dagokiona.



## ORDAINDU BEHARREKOA

### Autoak:

|                             |            |
|-----------------------------|------------|
| 8-12 HP fiskalak . . . . .  | 8.130 PTA  |
| 12-16 HP fiskalak . . . . . | 17.165 PTA |
| 16 HPtik gora . . . . .     | 21.380 PTA |

### Motorrak:

|                         |            |
|-------------------------|------------|
| Ziklomotorrak . . . . . | 1.055 PTA  |
| 125 cc . . . . .        | 1.055 PTA  |
| 125-250 cc . . . . .    | 1.805 PTA  |
| 250-500 cc . . . . .    | 3.615 PTA  |
| 500-1.000 cc . . . . .  | 7.225 PTA  |
| 1.000tik gora . . . . . | 14.455 PTA |

### Kamioiak:

|                               |            |
|-------------------------------|------------|
| 1.000 kg-tik behera . . . . . | 10.090 PTA |
| 2.000-2.999 kg . . . . .      | 19.875 PTA |
| 3.000-9.999 kg . . . . .      | 28.308 PTA |
| 9.999 kg-tik gora . . . . .   | 35.385 PTA |

### Traktoreak:

|                          |            |
|--------------------------|------------|
| 16 HPTi behera . . . . . | 4.215 PTA  |
| 16-25 HP . . . . .       | 6.625 PTA  |
| 25 HPTik gora . . . . .  | 19.875 PTA |

# Lore ederren lehiaketa

Bosgarren aldiz balkoi eta leihoetako lore apainketa saritzeko prest dago udala. Horretarako antolatu dute "Balkoi eta leihoetako lore-apainketa lehiaketa" eta parte hartzea oso erreza da. Egin behar den gauza bakarra hemendik eta San

Juan bezpera arte etheen kanpoaldean jartzen diren lorak zaintzea da. Orduan banatuko dira eta, sariak. 15.000 PTAko bi sari banatuko dira: alde zaharreko lore ederrenari eta auzo eta etxe berriagoko balkoi eta leiho ederrenari.

## UMEENTZEKO UDALEKUAK PRESTATZEN

**Uztailean zehar** egiten diren udalekuek begiraleak behar dira. Hori dela eta, 18 urtetik gorako gazteei deia egin die udalak uztailean begirale lanetan aritzeko. Udalekuak uztailearen 3tik 13ra bitartean izango dira goizeko 09:30etik eguerdiko 13:00ak arte. Izen-ematea maiatzaren 5era arte egingo da zabalik, bai begirale izan

nahi dutenentzat, bai eta haurrentzat ere. Umeak 5 urtetik 12ra artekoak izango dira eta izen emateak 2.000 PTA balioko du. Begirale izateko izena ematea udal txean eta udal liburutegian egingo da. Bete beharrekoak honako hauek izango dira: gutxienez 18 urte izatea, euskaraz egitea eta Antzuolan bizi izatea.



**bertako hizkeria**

Aurreko Kontuolako erantzun zuzenak:

1. Muturrez aurrera jausi eta hankia apurtu dot/neban.
2. Iez/Juan zah urtian goiz ikusi ginutzen edur malutak.

**Sarituak: Izaskun Fernandez eta Imanol Lizarralde.**

Eskuman erantzunak idatzi ostian, moztu eta laga Antzuolako udal liburutegian, DATORREN EGUAKITZA BAINO LEHEN. Erantzun zuzenen artian 5.000 pezeta eta "Antzuolako hizkera" liburuaren ale bat zozketatuko ditugu hamabostero.



Sukalderako eta bainurako altzariak  
Altzari rustikoetan  
espezializatuak

Zurategi plaza 4, behea ANTZUOLA Tf. eta faxa 943 78 71 80

**LARREA**

**TABERNA**

Kalebarren 17  
ANTZUOLA